

Keho a ser entrega na Ministerio Publico!

Denuncia penal entrega contra Ministro Nilo Swaen

ORANJESTAD(AAN)Laga registra cifranan falso como entrada di gobierno pa gasta placa cu no tin, esaki ta e esencia di un denuncia serio cu a worde entrega dia 29 di Maart 2005 na Ministerio Publico contra Minister di Finanzas, Nilo Swaen.

E documentacionnan cu DIARIO a obtene ta muestra cu e caso a cuminsa lora na momento cu e "chef Begrotingszaken & Financieel Ecn Pln" riba 23 di Maart ta raporta serca e Directeur di Finanzas cu el a constata cu tin indicacionnan fuerte cu e Minister di Finanzas, Nilo Swaen, lo ta actuando en pugna cu articulo 372a di e codigo penal di Aruba.

Den un denuncia di 7 pagina yena cu referencia na pruebanan, e ambtenaar halto aki ta muestra cu e no por ta complice di actonan penal y a base di Leynan ta denuncia e practica di Minister Swaen serca e director di Finanzas, pa esaki segun ley entrega e keho contra Minister di Finanzas.

E documentacion ta muestra cu prueba cu un cantidad di biaha Minister Swaen a duna instruccion (opzettelijk) pa pone, contra tur conseho, cifranan irealistico, sin un base legal den presupuesto.


Meta di e practica aki ta pa falsifica entrada di gobierno pa por gasta mas placa cu en realidad tin pa desvia di ley di combtabilidad y purba di "ontduik" tambe e consecuencianan penal cu ta mara na e Ley di Combtabilidad.

For di e documenta ta resalta cu Minister Swaen a worde muestra na diferente ocasion cu e ta actuando en pugna cu Ley pero esaki a insisti cu ambtenaarnan tin cu sigui su ordo.

Despues cu e chef di Begroting a entrega su denuncia serca e director di Finanzas riba 23 di Maart 2005, mostrando e Director riba su responsabilidad den e caso aki, e Director di Finanzas na su turno riba 29 di Maart 2005 a entrega un keho formal di sospecho di "mogelijke ambtsmisdrijf" contra Minister di Finanzas Nilo Swaen.

E asunto aki ta sumamente serio. E pruebanan den e documentacion ta muestra asina contundente cu Ministerio Publico lo haya confronta cu un realidad cu e no por sconde pe y lo mester actua pe di biaha.

E denuncia aki contra Minister Swaen y otro Ministernan cu por worde haya culpabel den e falsificacion di cifranan denuncia ta aclaria e




raportnan cu a bin ta ser publica pa diferente institucionnan, tanto local como internacional. Tanto Banco Central di Aruba, Rapport Agumbero, Rapport Ouwerda-Croes, como

tambe e Fondo Monetario Internacional, un pa un a bin ta muestra riba e hecho cu e maneho financiero no por continua den e direccion cu Gabinete Oduber III ta hibando esaki. Unda e

buraco tabata no por a worde mira door di tur hende.

DIARIO a haya copia di e keho entrega na Ministerio Publico dia 29 di Maart ultimo. Den dicho keho, e hefe di Departamento di Finanzas ta haci referencia na e carta manda dia 19 di April 1999, door di e Prome Ministro anterior, na unda ta responsabilisa cada hefe di departamento, pa denuncia actonan criminal cu bin na nan conocimiento na Ministerio Publico. Esaki ta e base tambe pa e Director di Finanzas pa a tuma tal paso contra Minister Swaen. Mirando cu e reglanan cu a worde estableci e tempo ey ta haci cu un hefe di Departamento no mag di sconde cos sino e mes ta bira responsabel, e Director di Finanzas a entrega un keho penal contra di Minister Nilo Swaen. Kico e consecuencia lo ta pa Minister Swaen y Gabinete Oduber lo worde mira den e siguiente dianan. Conclusionnan sigur mester cuminsa worde saca.

CON PA GANA ELECCION SO!!



BEST DEAL

Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455



Natural Bra

Afl: 35,=